



魏子敬遺集卷之二

嘉善魏學伊子敬甫著

友人錢 梅彥林甫定

五言古詩

和陶飲酒 二十首

庭菊無俗韻好風徐拂之澹然獨自遠想見東籬時
吾骨本無媚爾亦恒如茲霜白花始黃高卓良勿疑
對之冷人意得酒欣相持

偶步短簷下淡雲如遠山變幻斯須間玩之欲忘言

柳青菊花黃樂飢以長年優游苟能爾奚用百世傳

志士有奇懷何爲翳我情吾身如聚沫所寶非榮名
但問寓世間奚以了一生秋風隕枯葉慄慄心自驚
時駛不我待淹留欲何成

夕陽在楊柳黃葉依風飛我心匪傷秋不覺心獨悲
慷慨向前行動念多所依長道眇無畛究竟將安歸
中夜發長嘯一嘯百念衰但得此中樂百年願無違

鄰家有新竹日夕百鳥喧更有古梅花植我西北偏
啓窗與相向幽幽同空山朝看樵豎來暮看樵豎還

似得古人趣有意未敢言

束裝駕言邁未知向誰是此中有真辨而不關譽毀
斯道大路然驅車獨行爾冷煖還自知今人自羅綺

古哲有餘芳我將殮其英相遇殘簡中忻忻如有情
父子理團蒲得酒相與傾小時解成句今復聊自鳴
詩成無所爲下堦秋水生

松性本孤介落落有奇姿萬木凋西風孑然聳高枝
何如茂林中舉俗忘其奇披霜秀孤嶺松亦何樂爲
歎息風前花狂蕩不可羈

枸杞生庭中秋至花始開啣杯與之對悠然有遠懷
輕雲任往還與心了無乖有詩常高歌無山亦高栖
天地亦云廣焉能隨塗泥流俗性所還還問心所諧
思路各有熟習慣成行迷吾行猶未遠吾駕尙可
忽忽有所思乃在天一隅豈敢憚修阻去去登前途
腰裏猶不疾揮鞭冀長驅向謂萬里長萬里更有餘
一朝悟馳逐轉眄歸其居

嫋嫋吹西風秋草紛長道幽人方著書青山未應老
得句小窗前書我自娛稿優游意無窮每念獨居好

不飲亦欣然吾志以爲寶臨風一長嘯餘聲散

天表

閒居何所樂不語匡坐時每遇點頭處有解無言辭

安得方寸中息息常如茲微光露餘隙一動仍復疑

瞑眩疾乃瘳古語不我欺雲盡放明月旦暮或

見之

讀書荒寺隈居止近人境身在糟釀中未敢傲獨醒

矢志程先民邇言或不領至人能斂鍔余乃無餘穎

安得一豁然明月與同炳

離索亦已久好客相與至濁醪飲前庭主人獨先醉
風日恬以愉隣竹亂行次每念佳會難沉湎非所貴

禮肅意乃和相對有餘味

秋風亦云厲槁葉盈我宅黃鳥無餘聲玄鳥有遺跡
嗟我何規規敢憚千與百秋深氣微寒秋盡雪將白
誰不悲流波當前莫能惜

問予何所好所好在六經不作亦不述好古未有成
笑彼百家言憂憂紛所更驅去勿復覽閉門書黃庭
滴露小窗前好鳥向我鳴此際意無限處處深有情

斗室小有天空庭小有風遶榻置青箱坐臥古籍中
一葉墮周易知與前林通蕭疎秋樹間茨屋三五

瓶粟猶未罄村釀或可得安得陶淵明就我祛我惑
看我篋中詩介然去茅塞借屨醉鄉中同行歸樂國
先生故寡言予也願偕默

頑隱恥泉石鰥官恥榮仕當予無事時世紛孰纏已
何爲俯仰間赧赧亦懷恥遡風一登高秋思幾千里
天地一何曠渺茫宵無紀苟不與之然墮落無底止
所恥其在茲日月曷敢恃

時俗競工巧繪畫喪乃真自從解啼笑渾沌失其淳
江河日趨下衣冠日趨新每逢桃花開慨然思避秦

舉世汨泥塗否亦隨飄塵烈士懷苦志自立良辛勤
陶令起晉季樂與遺蹟親飽歷餒與寒意中常津津
詩成倩友錄酒熟漉以巾先生古遺樸渺渺義前人
寄贈唐宜之兼呈知非道人

茫茫廿年餘一往圖自快今來始回首逢人盡堪拜
拜罷還致辭不知雙淚滋誰能藥石我沒齒長相思
病夫尋扁鵲片語容自給願子垂諦聽一一陳其私
我病膽力薄我病眼力卑我病骨力脆我病願力雌
願力苟不深扁鵲無可爲明知還故縱悠悠不自持
情窳苟如此墮落安足疑感子惠我言忽驚千鈞鎚
臨風還再拜千里如見之

長水怨

爲友人妾賦

妾家住長水長水東西流青青湖畔柳迢迢湖上樓
十三學釵書十四工箜篌十五臨窗繡精妙世無儔
翩翩少年子窈窕行相求借問樓上女可似羅敷不
里嫗前致辭願君且淹留美人好顏色終日樓上頭
兼之臨窗繡精妙世無儔君子謬垂盼聞言中心喜
語我長者行同聲謂應爾郎君美風度玉樹蒹葭倚

十九渡長江、聲名若江水、好花不獨榮、天生合連理、
行行隨君去、默默思故里、牽帷幾回喚、低眉羞欲死、
臨境貼花鈿、可憐體無比、紗窗春日午、呱呱情何已、
憶我在家時、拈香繡大士、金刀翦素綾、瑩瑩白於紙、
刺成蓮花葉、彷彿香風吹、香風吹入夢、夢到蓮花池、
繡痕細難識、但覺生蛾眉、靜玩坐逾久、忽忽心自疑、
似曾親見佛、不知身是誰、綾額尚餘尺、皚皚冰雪姿、
淡濡碧玉毫、邀郎爲題詩、郎書擬右軍、妾心亦委婉、
針鋒與筆意、曲折隨郎轉、繡罷持似君、秀色堪舒卷、

顧我每微笑、妾顏先自醜、落地爲女子、可憐側室難、
陡然一回想、心事慘不懽、雖復蒙君憐、鮫綃恒不乾、
大婦貴家女、妾身臧獲看、上堂伺音聲、下堂候顏色、
含羞入空房、惻惻潛相憶、雖然潛相憶、無用長太息、
誠得君子懽、不怨長離隔、大婦奄逝世、一家身獨當、
漂蕩若浮萍、隨君流四方、南都復北都、終歲長道傍、
黃金散欲盡、不思歸故鄉、壯志在四海、妾心暗悲傷、
君怯不勝衣、年來益憔悴、十日九臥病、奄奄滯旅次、
妾首如飛蓬、并日忘食事、上無姑嫜親、下無得力婢、

旋出又旋入常恐呼不至憂勞填胸臆刺刺肝腸碎
歲月漸消耗妾身亦不支帶圍日趨緩空復存腰肢
事君垂十載不一生男兒羞佩宜男草悵然心中悲
君嘗兩畜婢中道旋棄之妾身非不容君自輕別離
暮春三月盡束裝謀南歸買舟僅如葉帷幕不得施
長夜泊豐草巨蚊攢水肌生小長閨閣辛勞實難爲
入秋弛行李僦人樓上居小姑家海濱聞之亦來依
雖非久居計氣息聊得舒良人忽生心娶婦支門閤
隨珠飾翠幃黃金飾綺疏紅羅復斗帳寶馬七香車

今日媒妁來東隣有美姝明日媒妁來西家有西施
妾身匪木石焉得不孤悽對鏡影如削安敢生言辭
禮數任頡頏難比先娘時新人入門來灼灼艷威儀
二九頗不足二八頗有餘女伴覷鸞幃嘖嘖相嗟咨
君心愛幸絕迥與舊人殊非必顏色殊新舊自相渝
新人哭亦妍舊人笑不如孤房過慰藉眴眴聊斯須
情知心不存詞說空爾爲新昏浹旬日忽作南都遊
俗語莫空房挽衣不能留新人蹙歸寧登車去由由
妾身姊爲母同君亦登舟耳縮雙明月墮髻垂金塗

飄飄蕩蕩、湘裙色如安石、留輕盈、作纖步、翩若雲端、游
隣女、相擁簇、朱顏自生羞、十年方得歸、一喜還一愁、
顧君色、悽慘、何用心、恻恻、莫非眷、新昏、懷此離、索憂
千喚不一答、默默自低頭、舟行到長水、妾自還家裏、
親戚往邀君、君固不肯起、詰朝云解維、舟中須盤桓、
勿用再往返、各使中心安、恐君途上寒、幅巾裁合歡、
恐君途上飢、烘栗盈朱盤、木落霜露急、勿使衣裳單、
千語囑奚兒、勸君幸加餐、平明奚兒至、顏色驟驚顫、
向前往叩問、淚流先被面、郎君乞致辭、此生勿相見、

十年恩愛深、謝卿重依戀、奈卿久專妬、會見中情變、
不如痛割絕、免使腸輪轉、妾身得聞之、狂頓推心肝、
天乎我何辜、天乎真無端、雖在夢魂中、不料遭棄捐、
恨無晨風翼、迅駛追君船、淚珠千萬斛、那得飛君前、
牽衣一慟哭、身死妾亦甘、縱然被驅遣、曷不先一言、
一去永決絕、何處鳴煩冤、自從入君門、歷今垂十年、
雖彼鷄與犬、亦當念周旋、如何鍊石人、一絕弗復憐、
推胸胸血嘔、委身赴清水、骨肉痛如割、僂勉相救止、
姊恩父母深、我生不如死、尚冀南都還、重來過吾里、

性行吾熟知、茲望殆已矣、昔年別、兩妾我淚揮不止、
誰料行及身、苦境苦如此、嗚呼倉浪天、茲恨何日已、
新人入我門、繡帷長日垂、依稀覩容貌、猶未通言詞、
臨行詳睇視、恰在登車時、蚤知生死隔、揮淚一致辭、
念與小姑別、淚落如連珠、妾初進門來、小姑九歲餘、
探懷索果餌、髮亂呼我梳、今來已成婦、骨肉情依依、
長別不一語、腸斷當何如、我有兩丫鬟、事我五六年、
大者髮覆額、小者亦比肩、晨興聽呼喚、夜深候我眠、
而今永隔別、涕泗紛潺湲、平時解思我、料爾當亦然、

掩淚入房來、窗前見針帖、殘絲與剩線、寸寸皆儂血、
向日入君目、從今長斷絕、委婉隨郎心、郎心太曲折、
忽見大士像、不覺淚滂沱、稽首乞慈悲、妾身竟如何、
今生無罪過、宿生愆怨多、安得轉君心、春風被女蘿、
君心終不回、不如赴長河、稽首乞慈悲、再拜涕漣沱、
不望重聚首、但願相見時、雨落不上天、一見知何期、
婦人失夫心、百念無可爲、但願新人懽、爲君生男兒、
更念孱弱身、疾苦不相離、舊人識君性、新人安得知、
十年守窮賤、心事多苦悲、願君振高翮、及時凌風飛、

妾身長已矣相見知何期一字一嗚咽行道皆酸悽
同唐宜之過楓溪訪卞子厚先生

故人臥窮巷冷然護幽獨入門狹於舟偃蹇數椽屋
梅雨夜來過床趾秀苜菹殘書四五卷石枯毛穎禿
敝榻皮古畫淋漓瀟湘竹中有梅道人斜枝拖半幅
迎風勢掀舞疑入篔簹谷穉子髮散亂聞音解呼六
新從武夷來生小武夷麓問之了不領頻笑眉紋蹙

田父述

田父昔云壯而今亦衰老耕男荷鋤行語我莫起早

獨眠鳥聲集啓戶日杲杲簷瓦浮輕煙久霽今

乍好

炊烟起前村念我耕男飢入門促婦饁語罷還歔歔

稚子囑隣家勿濯菱花磯隴頭直南去疾行還

疾歸

槿下犬迎吠遙識南村友殷勤乳下孫先我亂趨走

久別勿言去恰熟新釀酒解籬擷園葵携壺向高柳
前宿君家時共醉值隣叟茲翁故矍鑠日來安好否

擬古仍古韻

十九首

肅肅戒嚴裝惻惻將別離淒淒朔風急迢迢天一涯
歡顏好相慰淚落不自知羨彼東園鳥依依家寒枝

留云道方遠、別云心欲緩、出門申相問、此去何日返、
木葉蕭蕭下、潛焉驚歲晚、爲子長相思、爲我加餐飯
十里躍青驄、垂鞭折楊柳、忽憶樓頭人、含愁對窗牖、
今日非相忘、當年漫分手、古鏡若明月、寄贈閨中婦、
皎皎契濶心、千年共相守、

泉落不上山、泠泠響空石、誰能將此辭、寄語遠遊客、
歸來相晏樂、樽酒且勿薄、堂上邯鄲倡、美者巫與洛、
但苦杯行頻、不解苦離索、華燈照道傍、車馬填第宅、
酒酣高歌發、長纜舞三尺、人生行樂爾、惡用相煎迫

筮篔且莫彈、簫鼓且莫陳、我有知心言、悽然傷爾神、
飄忽逆旅客、何假亦何真、命儉意偏奢、戚戚不得申、
朝爲園中華、暮爲陌上塵、斗酒非不足、安用爭要津、
請歌行路難、匍匐良苦辛、

華山千餘仞、夾栢青雲齊、枝枝遙相蓋、餘陰覆瓊階、
上有雙鴛鴦、達曙酸且悲、行者問閭里、云是焦仲妻、
前車勿馳驅、駐馬且徘徊、援琴譜清曲、曲罷聲轉哀、
可憐被逼迫、迫重傷相見、稀生前痛離、別死後徒雙飛
未別視別輕、別時太草草、恨我非晨風、送君桑乾道、

天長路漫漫江空水浩浩花落悲鳥啼身與秋風老

昨暮共携手明月射東壁細語何喁喁屈指猶歷歷

十五入君家三見庭草易朱樓足歌舞匆匆遊焉適

慕彼侍中郎薄天振高翮男兒重榮名故巷少行跡

青驄絡馬頭黃金飾車軌怨君輕別離怨君亦奚益

春風媚佳節同遊山之阿何用相贈遺下山摘女蘿

女蘿非有私贈遺頗相宜託根北山側施蔓南山陂

但存纏綿意不怨相逢遲怯怯愛春華及時願揚輝

既邀眇眇榮甘同秋草萎同牀而各夢繾綣空爾爲

呱呱當戶繡不知雙淚滋人謂石蓮苦未解潛相思

蓮成嬌欲泣淚落還漬之持此長悠悠芳菲復幾時

靜夜思婦泣自言秦川女歲晏淒無儔寒砧伴機杼

蕩子歸不歸漣漣涕如雨鈎簾望明月明月上幾許

清光知我心佇立無一語

游思隨飄風遠歷杜陵道道傍合歡花悉成斷腸草

紅顏不堪駐妾愁君亦老爲樂逮良辰歸來何不早

人生數離別百年非壽考忙忙風塵中榮名詎爲寶

洛陽多麗人羅袂紛相屬道逢七香車芳風漾微綠

夾轂願借問來遲去已速幸我遇狹斜目遠路更促
彷彿見蛾眉不用艷粧束嫣然一流盼朱顏美如玉
所思不可見彈古相思曲曲中竟何言理短情自促
野卉非不香采之徒躑躅今日白頭吟昨日黃屋
行役出北門悵然見新墓樸檉集歸鳥荒榛翳村路
生人盡黃土有晨終有暮死者夢已覺生者惜未寤
落落初栽柏冷冷泫殘露金張苟不死我亦圖自固
百年飼螻蟻古來有長度行樂須富貴先爲行樂誤
亮彼墓中人當年曾執素

化久誰復戚年少相與親灼灼艷繁華棄捐歸荒墳

骸骼變旅穀樵豎摧

爲薪所幸身既死不更愁殺
人感此凋朱顏怛悵悲前因

誰爲不死人懷此終日憂來日當大難今日且行遊
行遊須及時古語恒如茲口爾身不然留爲今人嗤
今古更相笑遊者無還期

颯颯寒氣發重以夜獮悲居人歌北風征人賦無衣
一別涉九秋心知無久違門前候征旅遙遙覩容輝
歸馬驅倍疾親爲授前綏荷凋道相思百年願同歸
夢君遠行邁送君出重闈驚淚泱泱芳席勸君莫分飛

須憶離別時出入頻相睇從今脫車輻勿復闕雙扉

薄暮遠音至戚戚心恐慄向前視尺函手書粲分列

妾顏三五月夜夜清光缺思君歷秋冬惠此數行札

讀罷愁益長聊復慰離別殷勤繫羅帶常恐字痕滅

一食九開緘區區君亮察

晨興入機織三日斷五綺將以寄所思道遠心故爾

稱體裁輕衫餘作鴛鴦被被用長覆君衫亦莫頻解

常在春風中詎能別離此

空庭獨延佇惆悵入羅幃游子幾時還使我心徘徊

期在九日前花落還未歸妾愁不能解君愁當告誰

秋風正悽惻念之淚沾衣

讀史述

魯仲連

鄙夫爭一身身外匪所計有如魏帝秦何與魯連事

先生獨倜儻慷慨決大義五嶽倒地輕滄海連天沸

吐舌如吐刃鋒鋒着人厲白日走秦兵先生天下士

荆軻

蕭蕭易水波日晏客未至十三死灰兒勉強共大計

坐中擊筑人，何不充秦使。田光死也賤，於期死也贄。空死一無醜，烈士喪英氣。願逐酒人游，哭盡不平事。

張良

子房婦女容，冷致澹人意。鴻門撞玉斗，從容自遊戲。想其眉宇間，消盡浪沙氣。壯心未肯降，偶爾付劉季。萬戶亦何庸，賞功漢家事。穀城拾黃石，歸來好閒睡。

李陵

李陵飛將雛，千弩應弦倒。萬里搏單于，匈奴不堪掃。箴中花箭盡，鼓死龍城道。名敗志不成，身與羶帷老。

日落望鄉臺，酸風嘶荒草。子卿不相理，千年恨盈抱。

阮籍

當年竹林中，步兵儘高妙。登山賦英雄，慟哭兼長嘯。却令兩豎子，代我解人誚。此中深意存，醒人那能料。吾有數斗酒，壘塊可堪澆。

田疇

夜讀劉虞傳，胸坎生不平。無終有一士，烈烈千人英。樂布不足數，申胥難爲京。吾將夙嚴裝，萬里從之行。誰爲同心人，千載陶淵明。

龐德公

龐翁襄陽人不識襄陽縣躬耕有餘暇支頤玩時變
鹿門漾春風吹落桃花片區區一角天兒輩已足辦

周瑜

公瑾起江東翩翩美年少瞞兵百萬來風流劇談笑
一箭火鴉發糜爛連天徼黑焰走江陵飛光落刀鞘
奔濤沸鼙鼓鮫舞鯨魚跳賦詩橫槩人驚魂醒孤嶠
潮轉紫旗迴江青發紅照

諸葛亮

受託誠不易知人良獨難南陽雖子房誰爲鄭與韓
將相兼簿書心中多苦酸十出九空歸一身亦凋殘
爲君歌梁父中夜發長嘆

謝安

安石東山時優游絲與竹以此理世務馴若山中鹿
當其會新亭朝野盡蓄縮從容諧笑間不言使人服
臨風每懷想可人溫如玉

王羲之

茂弘經世才安石更文雅逸少故風流豈是悠悠者

殷謝噉空名人心同敗及好語不入耳。世事解人寡。
作書換鸞羣。山水秀而野。

王猛

景略敬仲匹西北千羣空觀其馭鄧羌大類隆準公
古來草創業善作期善終敵碁難盡殺須讓東南風
賭墅得勝着殘局收全功方信敬仲奇小白徒英雄

劉裕

一夫驅千人寄奴天下奇新洲射長蛇沒羽血淋漓
青衣雙擣藥一呼忽失之鮑風腥帝劍快事恒如茲

殿前一橫盼愁殺桓家兒

樂陵王妃

淫風扇齊梁遺事供唾罵讀至樂陵妃忽然涕盈把
可憐樂陵別握手淚潏潏帶玦割相贈此去何時還
郎留壁花白郎去池水殷恨恨腸寸絕玦莫留人間
天平如有情玦當化爲環

賀若敦

丈夫營四海守口當如餽漫掉三寸舌焉保七尺軀
賀若大將才功滅身亦俱快錐刺兒舌兒舌血模糊

快口刺人心，惜毒過矛。感茲酸楚，言三復還長吁。
侯生

翩翩信陵君，夷門拔奇士。白手搏強秦，緩急莫堪使。
一策虎符飛，再策鐵錐起。殺氣入邯鄲，秦軍無堅壘。
此時夷門客，長笑送公子。頭顱留謝人，事完身足死。

藺相如

秦王會渾池，邯鄲出孤注。帳下千熊羆，笙箏亂如雨。
提瑟藐萬乘，耽耽視冕兔。一夫瞋目呼，虓虎不敢怒。
殘絲奏殺聲，雪鋒交五步。昔年柱前血，今日堪相污。
壯哉藺夫子，千載有餘慕。

屈平

洛陽雋年少，投文吊沅湘。愍纍堙鬱志，訊纍遠自藏。
謠詠雖蔽明，美人安可忘。苟能歷九州，故都可徜徉。
嘿嘿不忍去，抱此九迴腸。騷人恨無限，千載爲悲傷。
伍員

楚臣報楚怨，楚人心膽寒。但當收讒夫，菹醢流餘鬻。
斷棺笞故主，倒行劇無端。長蛇棲郢宮，舉國髮衝冠。
秦庭七日哭，安得不悲酸。

蘇武

蘇武挺奇骨，屹然不可移。齧雪兼吞旃，掘鼠還牧羝。
孤臣合窮死，不用青天知。區區惜朝露，故人真女兒。

朱暉

我乃踽涼人，好談快心事。文季年十三，倜儻露奇氣。
睨壁給少府，片言重把臂。公叔濟長河，望風走污吏。
讀此浮大白，五斗不成醉。

李文姬

文姬巾幗流，乃是女智囊。三子返閭里，怵然暗悲傷。

鳶肩鬪如虎，六尺危朝霜。十年酒家傭，一朝歸故鄉。
姊弟相向哭，行道淚滂滂。

孫嵩

北海孫賓石，沈烈有深意。道逢賣餅人，一呼魂魄悸。
携手同車歸，上堂拜昆季。門外正狼虎，聞聲莫通氣。
事平相笑出，尼屯乍成字。問君複壁中，還有幾名士。

劉琨

越石志四海，中夜起長歌。萬國徧胡馬，淚落成江河。
失路歸無家，同心媾女蘿。銀鬢血猶泚，轉眼仍操戈。

英雄功不成慷慨呼奈何

祖逖

英雄不得志此事休問天
劉生幽阨死祖生亦可憐
擊楫渡中流逖印先着鞭
一夫構內難壯士功不全
浩歌唾壺缺使我淚漣漣

荀崧女灌

荀家有嬌女艾年方十三
桑弓鴟翎箭七首霜花鐔
月黑跳孤城重圍密如蠶
平明轉戰出軍中殺氣酣
不假七日哭蚤達尺八函
援兵走風雨彷彿破章邯

借問驍將誰髮覆青蟲簪

王衍

匍勒少英桀倚嘯上東門
爾時正窮賤猛志凌中原
杯酒較帝王意氣何軒軒
却笑王夷甫白首工清言
勸人着柘黃齷齪不足論

殷浩

深源不出山令名跨江東
虛聲可坐鎮那足敵梟雄
角巾歸鳥衣澹然流高風
悠悠行路口理合深彌縫
才窮氣先折咄咄徒書空

顏延之

顏彪酒之狂儉德類知道超然繁華外落拓自爲好
沉飲非荒宴春郊臥芳草千秋兩步兵孤懷恣傾倒
謝家艷芙蓉秋深竟枯槁

讀史雜述

兩咭虎負嶠將相徒手搏誘虎棄深窟縛之若狐貉
飛誠閉殿門馳節斬長樂成敗呼吸間日出櫬落槍

英雄圖退步可嗤亦可憐馳逐威八方日暮求三山
手植金光草吸露還殮煙悲哉秋風辭茂陵乃無年

審事貴審幾急湍迸石罅東京橫貂璫羣狼啖天下
但當殲其魁何用苦不赦日入慝相求驚鸞飛下樓
徒令千載人念之雙淚流

桓郎好奇策百發無遺矢嗟彼佳人兒置之若充耳
身棄千貔貅獨行不知止病馬忽騰槽駑馬棧下死
何代無狔犢酈兄不欺已

烈烈南風惡人傳天下樂浴盡簾蔗香銅駝立荆藿
當時生桓文楊家作伊霍傷心箭頭書吹向金墉
海上拾鳧毛陸離三丈長豈不洵文采對之神色愴

繁華少年子五五自成行銅駝且流血金谷且流觴
為我問廣武天道何茫茫劍解穿屋飛不解斬陽河

胡兒歌阿干鮮卑山色寒阿干歌聲苦鮮卑水酸楚
武皇虎豹威猛力廓郊圻骨肉快相啖諸兒還日稀

秦川血沒腕六宮已灰飛為歌阿干曲曲終淚沾衣

胡兒花箭強金鞞狼牙脊單枝折如朽十九勝千百

兄弟相為依一如箭在竿敦弓交歡好角弓刺乖隔

我作折箭吟阿干第二拍

時危保七尺恬淡頗有餘志扶大厦傾那得屏人居

岌岌宋鼎折扛者須責諸袁劉兩髀箭射棚安得除

青青石城月夜夜石城閭黃襪捧玉璽乳媪當如何

吳翁初虎嘯顧盼生雄風領軍三十年對之何夢夢

跛奴一朝至探轂還呼熊昨日昭陽殿今日單于宮

徒令韋衡州熱血噴長空

女媧五色石用之堪補天石破天柱折明月落長安

龍子髮未燥奇績凌齊桓明月照四海如何坐愁嘆

短歌悶欲絕敲碎黃金料

天生普六茹梓發周家廬刺爪違厄會惜哉劍術疎

一夫叩刀入壯士皆次且隨王有樊噲趙王無鱗諸
白日脫驚龍彈指空躊躇

後庭歌玉樹爲樂殊未央金貂雜娥眉篋箋飛瓊觴
天子好風流六宮遊冶場懽娛不終曲隋兵來醉鄉
千年燕支井破月照荒涼

重過蔣氏蓮雪居用昌谷韻

十月嚴霜飛江空天在水沙砲賈紅籜荒日下平地
大野曠肅殺萬物絕狐媚獨存漢宮秋西風亂葱翠
孤村澹微晃艸濕泣寒淚驚絲轉危葉片片楓林醉

荒磴蝕苔衣。窅黑閭幽邃。平疇忽波立。煙白失涯涘。
潭深古龍吼。石滑蛟涎膩。客雁叫高旻。千行作人字。
怒濤盪雲色。參錯駢巖峙。杳隔闐闐聲。時見斷蓬起。
急趁半篙日。擢入茸蘿裏。苦蔓罨黃葛。樹卵小垂紫。
深林人有無。敲石煮丹髓。吳舸狹谿轉。斜光照新穉。
短籬晒殘錦。芙蓉映綺帔。碧篁韻淒澁。欹瀨枯枝墜。
穀雩雜輕雷。櫟徑浸沈沚。歸鳥飛影疾。帆落園扉闕。
枯藤束方笈。病蟲避芸氣。床頭魚腸劍。銅花射朱几。
青鳥憶瓊瑤。白鳳含玄粹。墮髮成蝸牛。筍迸北垣圯。

耳熱商歌發，訾調咽秋思。冷焰搖素壁，古廟笑木魅。
長夜讀天問，壁賤楚胡貴。腸輪幾迴直，心事颺風似。
壯士破刺促，殘編擲疑義。詭譎石鼓辭，鼎彝漢郊祀。
聳牙故期期，不諳奚復恥。巨螯勁如鐵，觴政蒼鷹吏。
懽集餘閒情，柔絲漾芳餌。嫩粉琅玕翠，肥綠銀光紙。
下堦莢錢薄，閑閣檢陳事。懶譜難忘曲，羞裁雀臺妓。
三閭倘前身，數疑宓妃至。賦成六螭舞，萬岫倒行次。
風高山骨瘦，月小蛾眉悴。長天若鷲溪，一潑瀟湘意。
凍霞珊瑚頰，老鶻刀凌翅。草甜蒺藜硬，鐵騎沙塲戲。
霜撲平城兒，愁絕崑崙使。王孫擁羅幕，葡萄鬧橫吹。
夾屏金鴨煖，睡熟鮫綃漬。黛拂青蟲簪，禱脫胭脂臂。
此夕艷鮀歡，幾人酸腸刺。丈夫貴行樂，窮達聊自肆。
歸家弄錦孩，剪梅帖花子。

別蔣季

我本無心人，嘲笑雜凌厲。我本有心人，臨岐惜分袂。
季也知我者，不言領深意。暱我墳典志，去我卒歲計。
譬人慕青山，夢裏皆詩思。及覩青山色，錦囊無一字。
春風好相憶，一鼓蓮花榼。

猛虎行

北山有猛虎不牝亦不牡哀哀無辜人吞噬十而九
猛虎且勿道蝨乃伏其尻壯士困顛躓蝨喙紛相撓
憤語行路人且復忍此蝨撲蝨誤驚虎滅影咎無術
虎頭置短枕虎皮罩塵埃猛虎有死日蝨乎何有哉
朝窺北山頭猛虎死耶非暮窺北山脚猛虎死耶非
獵戶不見至虎尾日鮮肥虎尾偶一掉蝨失尻間竅
代簡答友人問舟
大雪撲空下兼之失輕舟只尺困沮洳停雲思悠悠

一朝曜春暉欣欣動生意鳥啼鷄亦鳴堤楊發新翠
舟失不復歸沮洳已平地三復杖杜章濁醪願同醉

惜哉行 二首

惜哉雲中鶴矯矯乘風翔亮音振天表光潔凌秋霜
一朝墮凡想誤入鸞鷲行斂翮獨惆悵羞聞稱鳳凰
十年拭一劍用盡華陰土忽然被摧折霜鋒陷如齒
既墜不可合既缺不可補呼水再鑪錘寸心苦復苦

招錢彥林仲芳兄弟飲

舊愛陶令靜近覺次山好藹如過村巷籬下逢父老

語樸情逾深古風動懷抱三復不能已念與君共討
翩然携仲來濁酒足傾倒



